


Universitäts- und Landesbibliothek Tirol

Statvta Vniversitatis Oenipontanæ


Leopold <I., Heiliges Römisches Reich, Kaiser>


Sopron, 03.10.1681











STATVTA
VNIVERSITATIS
OENIPONTANA

AB

AVGVSTISSIMO
ROMANORVM
IMPERATORE

LEOPOLDO

PRIMO

EIVSDEM FVNDATORE

CONCESSA ET AP
PROBATA



STATVS

VNIERSITATIS

GENIPTONTANE

VB

AUGVSTISSIMO

ROMANORVM


IMPERATORE

LEOPOLDO

PRIMO

EIVSDEM FVNDATORE

CONCESSA ET AB
PROBATA



IN
NOMINE
SANCTISSIMÆ ET
INDIVIDUÆ TRINITATIS
LEOPOLDVS
PRIMVS
DEI GRATIA ROMANORVM
IMPERATOR.

CHARIBVS CHRISTI. S. IDE LIBVS
presentium Auditoribus, seu Lectoribus nunc
et in futurum Salutem in D. M. N. C.

SANCTO Spiritu suggerente Considerantes, quan-
tas ab Antecessoribus erecta in Imperio Romano, Regnis
et Terris Austriacis, Academia Publica passim attulerint u-
tilitates et comoda tam Ecclesie Christianae, quam Imperio
Nostro Romano, matura deliberatione premissa statuimus
Majorum Eorundem exempla sequendo. Nos quoque.

Studium eiusmodi Generale, seu Publicas et Privilegiatas
Scientiarum Scholas de speciali gratia concessione, et
Indulto Sanctissimi in Christo Patris ac Domini Nostri
ANNOCENTII Undecimi Sacrosanctae Romanae
et Universalis Ecclesiae Summi Pontificis &c. Nostro
et omnium Nostrorum Haereditum et Successorum in per
petuum Nomine in Urbe Nostre Residentiae Comitatus Tyro
lensis Oenipontum nuncupatae Diocesis Brixinensis li
berè, ritè, ac legitime erigere disponere, atque pro viribus libe
raliter et magnifice dotare, certo Nobis persuadentes, opus
hoc tam grande Nobisque tam honorificum. **DE** Oter
Optimo Maximo, cuius Divina Clementia tot Regno
rum Principatuum et Dominiorum titulis sublimati tot
que Praerogatiuis Imperialibus insigniti Beate regnamus
summe placituro, eo quod per illud infinita eiusdem **DEI**
Creatoris Nostri Bonitas, et Sapientia laudabiliter ampli
us in Coelis, et fides Orthodoxa dilatabitur in terris, in
deque Populo Nostro clarior veritatis, ac iustitiae lux us
que, et usque affulgebit. Cum autem ad firmiter stabili
endam eiusmodi noviter Erectam **VNIVERSITA**
TEM in primis necessarium sit Eandem opportu
nis legibus, ac salutaribus Constitutionibus, quibus ea
decenter gubernetur, ac ritè conseruetur, seculo pro

videre, eumque in finem Nobis à Vice Rectore, Decanis
ceterisque Professoribus Ecclesiasticis et secularibus hujus
UNIVERSITATIS OENIPONTANÆ
certa Statuta tam generalia, quam personalia ad No-
stram Clementissimam approbationem porrecta fue-
rint. Nos sequentia Statuta utpote prauia collatione
Nostrorum Consiliariorum Superioris Austriae Pro-
vinciarum bene perpensa, et acurate instructa in omni-
bus et per omnia omnino confirmanda, et approbanda
esse duximus, prout illa etiam secundum tenorem præ-
sentium firma rataque habere volumus eademque inui-
olabiliter semper observari ac custodiri precipimus.

**STATUTA GENERALIA AD
TOTAM UNIVERSITA-
TEM, ET OMNES FACUL-
TATES SIMUL PERTI-**

QUIA uero non immerito prima semper cura fuit
Christianis omnibus **DEUM** et Patrem Domini. No-
stri **IESU** Christi humillimis obsequijs ante omnia
publicè priuatimque uenerari debet ea uel maximè Litteratis
esse uisus quibus omnis à Deo scientia profluxisse nescitur, atqz

ea propter
PRIMO omnium statuimus, ut qui pro tempore Re-
ctor aut Vice Rector erit in principio cuiusvis anni litterarij
primam nimirum a festo Sanctorum Apostolorum Simonis
et Iudaei, qua cessant vacationes Autumnales, et Stu-
dia rursus inchoantur. Missam primam Solemnem de
Spiritu Sancto pro felici Studiorum exordio, stabilitaque
totius **UNIVERSITATIS** incremento, atque con-
servatione: Singulis deinde quatuor anni temporibus
publicum curet haberi ac decantari Sacrum pro fidelibus
defunctis omnibus praesertim pro Serenissima Domo Au-
striaca Huius **UNIVERSITATIS** Fundatricae: pro
Benefactoribus, item alijs, pro Professoribus, pro Studio-
sis semel huic **UNIVERSITATI** incorporatis: etiam
ubicunque terrarum defunctis, alijsque omnibus dictae
UNIVERSITATI subjectis, et ad ejusmodi sacra officia
convocet. Rector aut Vice Rector affixo publico manda-
to omnes **UNIVERSITATI** subjectos mande-
turque, ut ab initio usque ad finem debitam cum attentione
constantiaque intersint. Quae sacra officia, sicut et
alia peragentur in Templo Academico, nisi ob iustas causas
Senatui Academico aliud videatur, atque ut his com-

modius uacari queat, cessabunt Professores omnes à do-
cendi munere, illis tamen duntaxat horis, quibus ejus-
modi sacra officia peraguntur. Quod si contingat in-
super hic uitā defungi aliquem ex Professoribus actu le-
gentibus, aut aliquem Principem, Comitem, Baronem,
Doctorem, Licentiatum, Canonicum Cathedralis
Ecclesiae Capitularem, et alios Studiosos seu Status
Ecclesiastici seu Laici, nec non alios Vniuersitati subje-
ctos curabit Senatus Academicus, ut tota Vniuersi-
tas ejus exequijs et officio funebri intersit, Sepultura ta-
men hora instituatur tali, ne publicae Lectiones impedi-
antur: Et quidem, si Professor fuerit, qui est defun-
ctus, in ejusdem honorem ac memoriam post Missam
ab alio Professore ejusdem Facultatis habeatur oratio fu-
nebris: Si uero aliquis alius in Vniuersitate moriatur e-
xequias ejus peragat facultatis illius Collegium, cui ipse
dum uiueret, peculiariter addictus fuit. Hoc sin-
gulariter addito de modernis Professoribus, qui semel
actu legerunt dum consecuta sunt haec Statuta: ut ipsis
quandocunque, et ubicunque defunctis ritu solenni per-
soluantur iuxta, et ad perpetuam memoriam in omnibus

angarialibus officijs eorum in legendo defunctorum cata-
logo fiat expressa mentio, quod primi fuerint, sed et ceteris
Professoribus, qui legendo compleuerint annos quinque, ju-
sta rite peragantur, secus alijs, qui ante quintum Professura
annuum completum officio sese abdicarunt, seu resignarunt
his enim nulla uidentur habenda exequia solemnes, recitari
tamen et illorum, et omnium aliorum Professorum nomina
si quantocumque tempore docuerint, in defunctorum syllabo
pro praestita quondam opera decet.

ARTICULUS SECUNDUS

DE
Publicis Processionibus, praesertim
ea, qua celebratur in Ss. festo Cor-
poris Christi
ITEM

DE
Festis Academicis solenniter a
tota Vniuersitate celebrandis

QUOD pium atque laudabile est, mandamus
insuper, ut ante omnia in Sanctissima festiuitate

Corporis Domini Nostri IESU Christi publica fiat pro
cessio, quæ congregatis per expressum Rectoris, aut Vi
ce Rectoris mandatum omnibus et singulis Academi
æ membris quacunque dignitate præditis instituetur
eo modo, hora, ac ordine, quem prædictum Rectoris
aut Vice Rectoris Decretum præuia Senatûs Academi
ci deliberatione præscribet, atque deinde ei sanctè standum
erit. Placuit item Nobis certa statuere festa, quæ solenni
ter ac generaliter ab Vniuersitate sint celebranda, ut præter fe
stum Natiuitatis Domini, Paschatis, Pentecostes, et omnium San
ctorum, festa quoque Beatissima M^AR^IE Virginis, inter qua
primum ac principalem teneat locum festiuus Immaculata Con
ceptionis eius Dies, quem Augustissimi Imperatores Austriaci
per suas omnes Prouincias sanctum esse decreuerunt, singula
ri Solennitate celebrandus est ab hac Vniuersitate habitâ super
eo oratione latina, renouatoque speciali juramento, de tenen
dâ firmiter ac defendendâ Virginis Immaculatâ Conceptio
ne, juxta formam Professioni fidei subiectam. Festum
item Sancti Leopoldi, Patroni huius Vniuersitatis Nostræ
Tribularis: nec non festum Sancti Iosephi Patriarchæ, ac Pa
tris Nutritij Saluatoris Nostri IESU Christi, utpote electi
Vniuersalis Patroni Tutelaris omnium Nostrorum Regnorum

hereditariorum, Principatuum, ac Prouinciarum. Specia-
lia denique festa singularum facultatum, in quorum, uel om-
nium, uel aliquorum uigilia sermo latinus haberi poterit,
cum uidebitur, ita tamen, ut ad peragendas eiusmodi ora-
tiones publicas in festis toti Vniuersitati communibus
Persona Oratoris per Theologiae facultatis Decanum, uel
hoc impedito, per eius immediatum Antecessorem, qui fu-
it in Decanatu, denominetur

ARTICULUS III.

de Inscriptione Studiosorum

QUICUNQUE autem se ad Vniuersitatem hanc
Studiorum gratia conferet, curabit, ut intra primam pro-
ximam septimanam a tempore sui aduentus compu-
tandam, in Album Studiosorum inscribatur, simul
que Testimonium aliunde secum allatum Rectori, uel
Vice Rectori exhibeat, atque tradat, Decano dein il-
lius Facultatis cui primario cupit adscribi, transmit-
tendum, atque custodiendum. Is autem, qui sub a-
lia etiam Facultate, quam Philosophica esse uellet, Phi-
losophiam nondum per annum audita, adstringendus
est, ut prius totam Logicam absoluat, ad quam non

13
nisi saltem per annum audita Rhetoricā admittendus; secus
in hac Vniuersitate non tolerandus: antequam autem in-
scribatur Rector aut Vice Rector prelegat ipsi subsequen-
tia quinque iuncta, serioque moneat, ut siquidem in hu-
jus Vniuersitatis Casareo Archiducalis Album inscribi
et ipsdem, quibus ceteri Studiosi priuilegijs gaudere desi-
derat, solenni prius iurejurando promittat, se fide sincera
diligentiaque summa

PRIMÒ Vniuersitatis Casareo Archiducalis Statuta unā
cum Priuilegijs eiusdem seruaturum, atque custoditurum
eademque congruis iuris remedijs defensurum, quoties
res, tempusque postulauerint.

SECUNDÒ, Eiusdem Vniuersitatis commoda exi-
stimationem atque honorem sedulo adiuturum, et promo-
turum, in quocumque demum statu, tam hūc, quam alibi
uixerit

TERTIO sedum in hac Vniuersitate morabitur, contra
Nos tanquam Fundatorem huius Vniuersitatis, Nostram
que Archiducalem Domum Austriacam, Eorumque Tri-
bunalia, Ministros, Consiliarios et Officiales nihil quid-
quam aduersi machinaturum esse.

QUARTÒ, iussis atque mandatis Rectoris et Vice Re-

ctoris pariter ac Senatus Academici promptè obediturum, eosque omnes, et singulos, uti et Professores suos quoslibet debito honore, ac Reuerentia prosequuturum.

QUINTÒ, conaturum etiam, quatenus poterit, excitas dissensiones inter Academicos quoscunque prudenter, et amice componere, gratamque inter ipsos inducere, firmamque concordiam. Atque hac denique Solemnis Juramenti formula à Rectore, aut Vice Rectore, proponenda sanctè confirmet, qui porro præstito juramento sic inscribetur, atque illum pro decore, siquidem ex numero Perillustrium uel Illustrium fuerit, pendere conuenit aureum, si Prænobilis, Talerum, uel Imperialem, si Nobilis, florennum, uel certè dimidium Philippi, si denique ex plebe triginta, uel ad minimum, uiginti crucigeros. Ita tamen, ut si quis sit, qui nec talem taxam, ob paupertatem, soluere possit, non ideo sit ab Immatriculatione excludendus, addito tamen titulo paupertatis, quod proinde Rectoris aut Vice Rectoris arbitrio et discretioni relinquitur.

Quemadmodum etiam, quamdiu Immatriculatus in hac Uniuersitate se detinet, is Pedello Academico pro aliqua compensatione suorum, quotidianorum laborum, circa quatuor anni tempora certam mercedem soluere tene

10
aur, et quidem pro qualitate Sui Status aut generis. Ma-
iorem uel Minorem, nimirum Illustres Nobiles quinde-
cim, ceteri uero crucigeros octo: ultra quam taxam Pe-
dellus neminem inuitum grauare poterit.

ARTICULUS ^{DE} iv.

Hospitijs Studiosorum

ET quia multum refert, quibuscum Studiosi uictitent, ut
etiam cum scientia litterarum comparent sibi uita morum
que honestatem, ideo statuimus: ne quisquam Studioso-
rum uictum sibi quarat in publicis hospitijs, sed de
honestis potius et quietis sibi locis prospiciat.

INSUPERQUE sancimus: ne quisquam Studiosoru
a festo Sancti Georgii Martyris usque ad festum Sancti
Michaëlis Archangeli ultra decimam horam noctis: et a
modo dicto festo Sancti Michäelis usque ad festum San-
cti Georgii ultra horam nonam se in publico hospicio deti-
neat, aut ab hospite ultra tale tempus detineatur.

PRÆTEREA cum par necessitas sit, ut Studiosi lit-
teratos inter, et honestos uiuant, et ab iisdem honeste tra-
ctentur, hinc Urbico mediante Magistratu cauere uo-
lumus, ne seu Cives seu municipales quemquam in com-
mensalem recipiant, qui non sit in Album Studiosorum.

in scriptus, aut proximè se inscribi curauerit, neue minus
in honestos, aut turpes alios commensales studiosis associ
ent.

VICTUM praeterea conuenientem horis illis, quibus
à lectionibus aliisque publicis exercitijs cessatur, inferant et
apponant.

COMMESSATIONES praeterea sumptuosas et im
modicas potationes, uulgo extra praesertim in seramus,
que noctem protrahi solitas nullatenus tolerant, aut submi
nistrent, nec a Nobis tolerandas esse putent impune: quin
imò solutionem eiusmodi immodicarum ultrò submini
stratarum expensarum uoluptuariarum urgentes non au
dicendi, sed à limine Iudicij repellendi.

HORTAMUR proinde hospites omnes tum ad ea
quae supra monuimus suum etiam in bonum obseruanda
tum ad alia, quae sequuntur, unice cauenda, ne uidelicet
pauantur, ut ipsorum commensales temerè jurent, De
Uisq; aut Sanctos eius blasphement, obscenos discer
sus misceant, aut de noctu ex eorum aedibus elapsi hinc
et inde diuagentur, multo minus, ut tumultus excitent,
sed domesticos intra parietes de nocte quieti de die sedu
li publicis lectionibus perseueranter inuigilent.

17
QUOD si uerò cui Studiosorum ex urgente causa quã
piam de nocte foras egrediendum erit, portabit is, aut
portari secum faciet lumen, aut lucernam, itaque sine stre-
pitu, et clamore modestè, quò resuocat, ibit, ac redibit, neque
permisum sit ulli Studiosorum extra domum hospitis
sui ordinarij, pernoctare, nisi grauis subsit causa, alioquin
contra delinquens grauius ^{quòque} puniatur. Multò mi-
nus commensalis fores hospitis sui in tempesta nocte
immodestiùs pulsabit, aut clauibus adulterinis, alioquin
sub dolo actù in domum irrepere tentabit. sub poena ar-
bitraria à Senatu Academico in talem statuenda.

ARTICULUS. v.

Audiendis ^{de} Lectionibus

QUONIAM Academici omnes literarum addiscenda-
rum gratiã huc ueniunt, nullus è numero discipulorum Pri-
uilegijs Nòstris unquam gaudebit, nisi alicujus Studij,
seu Facultatis lectiones quotidie cum debita diligentia
audierit, qua in re singuli Professores suos discipulos
cognoscent, obseruabuntque, ut quos deprehenderit
negligentiores, monebunt, iterum, iterumque, et tan-
dem eos ad Senatum Academicum accusabunt,

ut adhibitâ correctione emendentur, aut de munim dimittantur, prout etiam, de his in Consilijs Hungarialibus, quæ in hunc finem diligenter erunt instituenda, plura discutientur; Illud uerò singulariter sit statutum, ne ante festum Sancti Bartholomæi, quo die, ut infra declarabitur, uacatio canicularis incipiet, sine justa causa discedant, alioquin ea propter in reditu puniendi.

ARTICULUS. VI.

de
Moribus ac uita Academicorum
Professorum pariter, ac cæterorum
Vniuersitati Subiectorum.

FINE M discendarum artium prudentes tradiderunt: quæ uirtutis cognitionem, laus autem uirtutis eiusque maxima portio acceptum fertur honestæ actioni, siue ut secundum eam rectè uiuatur, debent igitur omnes Academici morum honestatem cum litterarum doctrina semper coniungere, quod primum omnium præstare studebunt Professores, et propterea coram suis discipulis nihil loquantur, aut agant, quod teneris animis occasionem scandali præbeat, nulli deinde ad discipulorum facta conuicent, ne dum ut excusent.

PRÆTEREA omnes et singuli cuiuscunque Status
vitent omnino loca inhonesta aut diffamata neque in
illis instituant commensationes, conuenticulaque pa-
rum utilia, multo minus in eiusmodi locis suspectis,
atque periculosis commorentur.
AD hac cum Academici Scientiarum ac uirtutum
addiscendarum gratia Vniuersitatem hanc frequentent
nimia uerò chorea piscationes, et uenationes uirtu-
tum ac studiorum profectui magno sint impedimento
omnibus et singulis, ut ab huiusmodi uanis, ac parum
utilibus occupationibus, praesertim uerò alijs prohi-
bitis piscationibus, ac uenationibus se se totaliter ab-
stineant. Serio praecipimus.

ARTICULUS VII.

Mutua inter Academicos concordia et tranquillitate.

NON à Christianis solum, sed à barbaris quoque
gentibus plurimi semper habita est fida animorum con-
iunctio, sine qua nec hominum Societas, neque res in so-
cietate necessaria conseruari defendique ac augeri
possunt; Ergo et Academici omnes praesertim Regem

tes, et singularum facultatum Professores amore se mu-
tuo semper complectentur, neuter in alterius probrum,
et contumeliam publicè aut priuatim, quidquam pro-
feret, aut ad inimicitias concitandas occasionem,
auxiliumque unquam dabit.

NEMO quoque ad similtates, et factiones natio-
nales machinabitur quidquam sub pena relegati-
onis. Quinimò potius alter alterius existimationem
et honorem quaritare, propugnare, et augere amice
candidèque iuuabit, ut mutuus amor, et fauor in-
ter omnes conseruetur: Unde et in publicis Disputa-
tionibus, alijsque conuentibus cum omni modera-
tione inter se se conferant, nec alter alteri uerbis im-
pigeris, aut gestibus impetere, aut offendere præsumat.
PRÆTEREA mandamus: ne qui ex Vniuer-
sitate Subjectis perniciosarum discensionum, rixa-
rum, conflictationumque Authores, aut consortes
inueniantur, adeoque nec uocibus, nec signis ali-
js quibuscunque occultis, apertisue machinatio-
nibus, aliquid eiusmodi moliantur; Quapropter
etiam Serio prohibentur omnes conspirationes,
ac concursus, tam nocturni, quam diurni, è quibus

non imprudenter. Suspicio insidiarum, inopinataque
invasionis oboriri posset. Sub poena relegationis.

ARTICULUS VIII.

Armis vetitis.

SIMILITER ut Studiosi tranquillitatis seruanda
semper sint memores, uetamus per Senatum Academi-
cum.

PRIMO, ne quis gestet gladium, nisi per annum iam
in Vniuersitate uel in alia per duos annos sit uersatus.

SECUNDO, quibus gladios portare permissum est,
non gestent eos oblongos, aut pugiones, uel alia arma
prohibita, inter quae singulariter omnis generis bom-
barda, sed duntaxat gladios ambulatorios.

TERTIO, nemo praesumat collegia priuata, lectio-
nes publicas, aut actus publicos gladiatus, cuiuscum-
que etiam Status, uel conditionis sit, accedere, aut si
accesserit, denuntietur. Exiurusque rediens, per Recto-
rem aut Vice Rectorem tanquam incorrigibilis quo-
que puniatur, singulariter uero prohibemus duella
omnia, tam solennia, quam priuata, adeo, ut si
quis alterum prouocet, prouocans, etsi prouocatus

non compareat, delicti reus tamen habeatur ipse, si uerò
comparuerit uterque prouocans et prouocatus exinde
proxima debita ex Senatu Consulto infligenda prater gla-
diorum amissionem indistinctè subiiciatur.

ARTICULUS IX.

Scriptis de famosis

QUOD jus æquumque postulat, grauissimè
quoque uetamus ne qui ex Vniuersitati Subjectis
in aliorum probrum et contumeliam quidquam
scribant, concipiant, dident, neue aliquid horum, per
se aut alios describi, legi aut recitari, aliòque modo
quocumque diuulgari curent, iuuent, aut permittant,
alioquin ipso facto periurij, et perpetua exclusio-
nis ab omnibus priuilegijs, beneficijsque alijs Vniuer-
sitis rei censentur.

ARTICULUS X.

de
Constitutione generali

in quoslibet flagitiosos.

VERUM cum longum nimis foret, singulis qui-
busque secleribus peculiaries contexere dehortati

ones, comminationes, et mulctarum aliarumque ani-
maduersionum decreta, idcirco de grauioribus om-
nino delictis quam studiosissime uitandis uolumus,
et in compendio precipimus, ut omnes inobedientes ob-
murmurantes, rebelles, degeneres, percussores, conten-
tiosi, nocturni, ebriosi, turpi uoluntati dediti, luso-
res immodici, mimi, aliorum praeterea seductores, Superi-
orum contemptores, honorem debitum Rectori, Vice-
Rectori, aliisque Professoribus suis deferre detrectan-
tes, perturbatores etiam pacis, et quietis publicae, fures,
uolenti alicuius domuum inuasores, irruptores, et
horum similes omnes, ac singuli iuxta facti uel deli-
cti qualitatem ad Academici Senatus placitum pri-
mo mulctis, dein carcere plectantur, et nisi se ipsos
corrigant, protinus ab Vniuersitate repellantur, in-
superque & nomina ipsorum in studiosorum Albo ob-
litterentur, si transgressionis atrocitas ita commerea-
atur, singulariter autem, et in specie omnes pericu-
losas coadunationes, et insultus, aliasque noctur-
nas insolentias cum explosionibus fistularum, per-
cussionibus fenestrarum et similibus minimè tele-
randas, sed prohibemus, ita ut authores eiusmodi

omni jure prohibitarum coadunationum, et insultuum: nec non percussores fenestrarum, et explosores fistularum locis non consuetis, tam diurno, quam nocturno tempore praviâ correctione, et emendatione contemptâ, postmodum ab Vniuersitate abigantur, et excludantur, aut pro delicti qualitate juxta privilegiorum tenorem aliter puniantur.

ARTICULUS. XI.

^{de}
Vestitu tam Professorum,

^{quam}
Ceterorum Academicorū.

INTER cetera, quæ à uiris laudantur prudentibus, et honestis, non postremus est corporis cultus decens, et moderatus, quare Academici omnes more uestiantur, et incedant eo, quo iuuenes, aut uiros graues, et doctos decet, nominatim interdici, omnib; vestitu discolor, leniter nimirum, aut inconuenienter, et insolitè concinnato incedere: maxime uerò prohibemus, ne, siue de die siue de nocte, laruati procedant in publicum, neque etiam inuicem permu-

22
tent uestes, ut dignosci nequeant, sub poena, qua
Senatui Academico uidebitur dictanda, nisi tem-
pore bachanaliu[m] alijs laruatim incedere per-
missum sit, excepto hoc, quando Dycasteria tempo-
re Bachanaliu[m] laruatim incedere concedunt,
ut tunc studiosi ea etiam concessione uti queant.

ARTICULUS XII.

de
Cessationibus Professorum.

à
Publico labore docendi.

CUM fieri nequeat, ut humanum ingenium ita
modi diutaxat occupationibus uacet continuo: ideo
uolumus juxta Senatus Academici decretum, ut permit-
tantur Professoribus omnib[us] nonnulla tempora, et dies,
quibus laborem quotidianum publicè docendi ali-
quantulum cessando leuent, atque ut cessationes haec su-
um quoque apud singulos et omnes, habeant ordinem,
Senatus Academicus eas ita distribuatur, ut primum
cessent Professores Facultatum quarumcunque om-
ni die Dominico et festo quo uulgius reliquit.

ab operibus seruilibus uacat. Idem permittatur in festi-
uitatibus Sancti Leonoldi, Visitationis et Presentatio-
nis Beatae M. A. R. I. E. Virginis. His annumeran-
tur festa singularum facultatum propria quae sibi
quauis facultas eliget, et uulgo festa Collegij nuncu-
pantur, sed haec celebrabunt tantum illius facultatis
Professores et discipuli.

PRÆTEREA tota die uacatur omni feria quinta
cujuslibet hebdomada, quam cessationem nullum festum
alio die in hebdomada occurrens tollet unquam.

AD haec toto illo die cessabunt omnes, quo nouus Uni-
uersitatis Rector, uel Vice Rector eligitur.

POST haec, feria sunt die commemorationis omni-
um fidelium defunctorum, item, à die Sancti Thomae
Apostoli usque ad crastinum Epiphaniae subsequentis,
à die ueneris proximo bachanatorum, usque ad sub-
sequentem diem, ueneris primum quadragesimae,
à die Palmarum hebdomadae sanctae, usque ad di-
em lunae post dominicam in albis. Cessatur praete-
rea primis tribus diebus illius septimanae in quam in-
cidit festum Ascensionis Domini, sed duntaxat à se-
ctionibus antemeridianis, quia cecet, ut publica pa-

rochianorum Processioni se aliquousque adjungant,
tam Professores, quam discipuli. Cessatur uniuersim
denique à Studijs Academicis per uacationes autū,
nales, quarum initium summetur à festo Sancti Bar,
tholomæi Apostoli, desinentque in festo Sanctorum
Apostolorum Simonis et Iuda.

PORRO quoties fiunt publicæ denuntiationes
Doctorum, Licentiatorum, aut Magistrorum, si
cut et Baccalaureorum, cessatur tota die à lectio
nibus publicis.

ULTIMO denique: uacetur quotiescunque ce
lebratur officium Defunctorum. Singulis quatu
or anni temporibus pro defunctis Academicis, si
cut etiam: si celebrentur exequia pro aliquo defun
cto Professore, sed duntaxat illis horis quibus hæc per
aguntur.

ARTICULUS XIII.

Loco et ordine^{de} eorum qui pub,
licis Processionibus et Stationibus ad
sunt Academicis

FACIT quoque ad conseruandum Reipublicæ

Academica decus et honorem: ut in publicis conven-
tibus omnes tam Academici, quam hospites honestè
collocentur, in omni itaque Academica processio-
ne, sessioneque primum locum inter ceteros ha-
beat Academiae Rector et Vice Rector, hosque se-
quuntur Perillustres, et Illustres, Comites et Ba-
rones, et dein suo ordine Academici Professores
secundum ordinem Singularum facultatum in-
tenti primò Theologi, Iuriconsulti deinde, tertio
Medici, et denique Liberalium Artium Professores,
Semper autem Decani Singularum Facultatum
reliquos Suae Facultatis praecedant; in promotioni-
bus autem ad altiorem gradum praecedat illa Fa-
cultas indistinctè, quae promovet, promovens nem-
pe cum Promotis, quos sequuntur Professores illius Fa-
cultatis, et hos deinde Rector et Vice Rector cum Facul-
tatibus reliquis gradatim, quibus proxime succedat
Notarius, si ratione hospitum non aliud exigatur:
Recllus vero cum Sceptro omnes praecedat.
ET quia in tribuendis honoribus ratio habenda est
etiam aliorum, quam Academicorum: hinc Sena-
tus Academicus debitum quoque locum illis, quos

ad eiusmodi conuentus Academicos honoris gratiã ue-
nire contigerit, amicè deferat, et consignet, atque ita
collocari curet, ut nemo ullas Authoritati suã quid-
piam derogatum conqueri prudenter possit, de quo
proinde pridie ante actum in Senatu Academico
consultatio institui poterit, cui Senatui Promotor
catalogum Peregrinorum, et non necessariorum ho-
spitum simul offeret.

ARTICULUS. XIV.

de Iudicijs Academicis.

AD precauendum periula plurima inimicitia-
rum, iurgiorum, priuataque uindicta, et qua-
rumcunque rerum emergentium inter Acade-
miam, Eique subjectos, et alios, qui hic commo-
rantur, statuimus, ut lis et controuersia inter
partes orta coram Iudice competente secundum
normam et formam Priuilegiorum, modumque
in illis. Articulo: Ceterum in exemptione studij
hujus Uniuersalis &c. expressum agatur et ter-
minetur, quã si coram Rectore uel Vice Rectore

proponatur, et causa illius litis sit ardua magnique
momenti / quod Rectori uel Vice Rectori dijudicandū
relinquitur / ipse adhibeat uel Decanorum cuiusuis
Facultatis consilium, uel plenum, et integrum conuo-
cet super ea re Senatum, coram quo postea illam causam
proponat, et ejus decisionem: uel in illa sessione, uel
aliā si propter ejus arduitatem immediate fieri non
possit, cognoscat, cum quandoque nimia precipita-
tio sit nouerca Iustitia.

SIVE autem Rector, aut Vice Rector iudicet solus,
siue adhibeat Decanos, plenumque instituat conuen-
tum, semper grauato admittetur appellatio, sic tamen
ut si prouocet à sola Rectoris aut Vice Rectoris sententi-
a, aut etiam Rectoris, Vice Rectoris, et Decanorum simul
/ nam hoc pro unica instantia habetur / deponat unum
aureum in casum succumbentia amittendum: si uero
prouocet propter sententiam à toto Senatu latam, ex-
ponat duos aureos pariter amittendos, si post-
modum illa sententia à Iudice ad quē confirmetur.

ARTICULUS. XV.

DE
Transgressoribus inhibiti-
onis, quam arrestum uocant

CUJUSCUNQUE Vniuersitati huic sub
 jecti res uel persona Rectoris aut Vice Rectoris
 mandato inhibetur, is omnino caueat, se, siuaque
 Bona, non impetrata prius relaxatione legitimā,
 alio transferre, quod si contrarium fecerit, Sciat,
 se ipso facto Academicorum Priuilegiolorum pri
 uationem incurrere: insuperque perjurum. Si
 Academico Senatui ita uidebitur affixo ad
 ualuas Academiae scripto publico denunti
 andum, idem quoque fiet in alijs, ubi data
 fides frangitur, huiusmodi autem inhibitio,
 a nemine mandetur, absque Rectoris, uel Vice
 Rectoris jussu, nisi reus subito fugam motia
 tur, nam tunc non tantum alijs Consiliarijs: sed
 Professoribus Academicis, et ipsi Notario, et Sedello
 eam mandare licebit, sicut et hoc uniuersaliter
 in mandatis est, ut si duo uel plures inuicem congre
 di, duellumue inire parent, ipse sub certa poena
 tales congressus prohibere possit, ac debeat, pro
 ut et illi, qui a Nostro Regimine ad delin
 quentes carceri mancipandos deputati sunt
 studiosos in flagranti deprehensos in custo

diam recipere, et postmodum Rectori uel uice Recto-
ri, eorumque Pedello consignare possint.

ARTICULUS^{XVI.}

de

Citatis non comparentibus aut
ante citationem se absentantibus.

SI quis praesens ad citationem per Pedellum insi-
nuatam non comparuerit, citetur iterum, et iustam
suae emansionis causam non habens / super qua Re-
ctor, aut Vice Rector cum prius audire debet / per ali-
quot horas detrudatur in carcerem, reiterato uero
citatus, si emanserit, deleatur eius nomen ex albo
seu Matricula Vniuersitatis, fiatque insuper pu-
blica promulgatio in scriptis, talem pro membro A-
cademico amplius non haberi.

QUOD si uero propter delictum perpetratum
quis se absentauerit, publico proclamate affixo
praefixis tribus terminis, uel uno peremptorie
citetur, quo non comparente, statuatur contra
eum pro delicti qualitate et exigentia.

AT uero, si quis contraxisset plurima debita,

et adhuc praesens esset ad implorationem creditorum
imponatur ipsi arrestum donec satisfaciat si uero
clam se subduxisset uel citetur affixo quoque publi-
co mandato, uel Magistratui illius loci, ubi degit,
scribatur, ut ad satisfactionem eum adstringat,
uel remittat, nam, aequum est, cum Cives et alij,
qui conuictum habent, magnos faciant sumptus, ac
labores sustineant magnos, plurimasque perferant
incommoditates, ut ipsis Magistratus Academicus
quoque sit auxilio.

ARTICULUS XVII.

de

Comutatione mulctarum in poenas alias

NE qui pauperiores impune peccent, putentque
tum ipsi, tum alij Academici Senatuum numos poti-
us quarere, quam optare, ut negligentes emendentur.
Adcirco uolumus pecuniarias eiusmodi mulctas non
nunquam commutandas esse in poenam carceris,
ut uidebitur. Si quis autem utramque poenam
detrectauerit, protinus ab Uniuersitate repellatur.

latur et contumacia illius obstinata more solito publicetur

ARTICULUS XVIII.

de
Redeuntibus ad Academiam.

AQUUM ad hoc esse iudicamus, ut qui post suum
ab Academia discessum annis quinque abfuerint, in
reditu non habeantur Academicis Privilegijs digni,
nisi de novo petant à Rectore uel Vice Rectore in Album
Studiosorum referri, data fide, omnia se facturos,
quae in Articulis Juramenti olim à se praestiti con-
tinentur, sed hoc fiunt gratis, et sine Juramento.

ARTICULUS XIX.

de
Constitutionibus ac legibus
aliarum artium.

CAETERUM cum nimis longum esset, om-
nibus omnium facultatum officiorumque perso-
nis Academicis praescribere, quid quemque in mu-
nere suo praestare oporteat, ideo conscriptis tractatibus,
et auditis legibus ac Statutis ea solum in genere

35
comprehendi uolumus, qua ad discendi, uiuendi, docendi,
que rationem omnibus communem pertinent.

DE ceteris uero una qualibet facultas aliquanto ex
plicatiora Statuta legesque prescriptas habebit, quas sicut
et eas, quae demum ob euidentem utilitatem, neces-
sitateque mox praemissis Statutis, et Academicis
legibus adijciuntur, ita tamen ut prius a Principe
Tyrolis ratificentur, cumque in finem illa facultas,
qua talia Statuta pro sua necessitate, aut boni pu-
blici utilitate introducenda arbitrabitur, illa
prius Uniuersitati, et haec Nostris Tribunalibus
praesentet, pariter mandamus, diligenter: opti-
maque semper fide ab omnibus Academicis ob-
seruari, et impleri, ut hisce adiuuentis instru-
cti uitam, omnesque actiones ac studia quam o-
ptime perficere queant, indeque ad publica u-
triusque Reipublicae officia cum fructu praer-
claro feliciter extollantur, simulque fauo-
rabilem ac clementem habeant

Semper Optimum Maximum.

Dei. M. cui sit gloria et honor
in perpetuum. Amen.

compendium admodum brevis et succinctorum

que ratio in omni rebus

DE virtutibus et vitiis

liber primus de virtutibus in generaliter

et de vitiis in particulari

liber secundus de virtutibus in particulari

liber tertius de vitiis in particulari

liber quartus de virtutibus in particulari

liber quintus de vitiis in particulari

liber sextus de virtutibus in particulari

liber septimus de vitiis in particulari

liber octavus de virtutibus in particulari

liber nonus de vitiis in particulari

liber decimus de virtutibus in particulari

liber undecimus de vitiis in particulari

liber duodecimus de virtutibus in particulari

liber trigesimus de vitiis in particulari

liber quadragésimus de virtutibus in particulari

liber quinquagesimus de vitiis in particulari

liber sexagesimus de virtutibus in particulari

liber septuagesimus de vitiis in particulari

liber octogésimus de virtutibus in particulari

liber nonagesimus de vitiis in particulari

liber centésimus de virtutibus in particulari

33

SEQUUNTUR
STATUTA
UNIVERSITATIS
ALIA

*CERTAS DUNTAXAT
PERSONAS ATTINGENTIA
ET QUIDEM*

PRIMO

DE

RECTORE

DE

*OFFICIO ET POTESTATE
RECTORIS EIUSQUE ELECTIONE.*

RECTORIS *cujus electio ad Senatum Aca-
demicum pro majori Vniuersitatis ac Studiorum
honore spectet, postquam per eundem rite electus
est officium consistit in sequentibus.*

PRIMO ut tueatur ac conseruet *Præuilegia*
a *Statuta* *Uniuerſitatis*, et *juxta* illa *judicet*, et *ſingulo*
rum *querelas* *Summi* ſicut *inſimi*, *pauperis* ſicut
diuitis, *absque* *perſonarum* *acceptiōe*, *aut* *aliā*
quacunque *ſincerum* *peruertente* *judiciū* *af*
fectione *coram* *ſe* *admittat*: *plene* *audiat*, *et* *celeri*
ter *aique* *gratis* *juſtitiā* *faciat*, *et* *hoc* *ſi* *cauſa*
ſit *leuis*, *et* *non* *magni* *momenti* *cauſas* *ſiquidem*
arduas *deſiniendas* *in* *ſe* *ſolum* *non* *ſuſcipiat*, *ſed*
ſenatum *Academicum*, *uel* *ad* *minimum* *Decanos*
ſingularum *facultatum* *conuocabit*, *cumque* *Ipsis*
delibrabit. *Unde*

SECUNDO *Ipsi* *incumbat* *pro* *qualitate* *cau*
ſæ *conuocare* *ſenatum* *Academicum* *cui* *Præſi*
dens *Articulos* *coram* *eo* *diſtincte* *proponat* *et*
deliberationibus *majoris* *partis* *auditis* *quid* *a*
gendum *concludat*, *concluſumque* *illud* *ita* *exe*
quatur *prout* *res* *exigit*, *Ipsæ* *autem* *Rector*
potestatem *non* *habet* *in* *pleno* *conſilio* *ſuam*
ſententiā *dicendi* *nisi* *cæterorum* *Profeſſo*
rum *et* *Conſiliariorum* *uota* *pari* *numero*

trique certent, nam tunc uni parti, cui expe-
 dit, suffragabitur, ut Sententia feratur. Quod
 si vero intersit consilio facultatis aut etiam in
 pleno fiat deliberatio secundum facultates habe-
 bit vocem, sed unus duntaxat singularis Suppo-
 siti, non vero multiplicet. Rector Congregationes si-
 ne necessitate nec aliquam Congregationem faciat,
 nisi super articulis notabilibus, ne nimirum Secti-
 ones publice impecliantur.

TERTIO, quandocunque appropinquat dies
 in quo Academici consuescunt ad publicam
 Processionem, uel ad funebres exequias Funda-
 torum aliorumque defunctorum celebrandas
 conuenire. Rector mandato publico omnes et sin-
 gulos Academicos conuocet.

QUARTO, mense primò, sui Officij Susce-
 pti cura, idem, ad unum omnes Academi-
 cos Professores, carterosque Vniuersitati sub-
 jectos iuxta certas ad eum finem conficien-
 das formas peculiaris alicujus mandati sub

obligatione praestiti juramenti cum celebritate
conuocari, usque pauca praefatus praelegere No-
tarium Academiae jubeat. Statuta simul ac pri-
uilegia, indeque soluat conuentum

QUINTO, Rector tempore Recturae suae trans-
acta infra mensem faciat computum de omnibus
acceptis et expensis coram Rectore nouo, et alijs Pro-
fessoribus, quibus interesse placuerit, uel certe co-
ram Decanis et in quo obligatus remanet, exsoluat.

SEXTO ad Rectorem quoque pertinet dili-
genter perquirere, an et quatenus Academica
Statuta obseruentur: scilicet qua fide et dili-
gentia Professores se suosque discipulos exerce-
ant, quomodo item domi, forisque suis ab hospi-
tibus commensales habeantur, uicij, inquit,
se cum illis habeant, quiue tandem omnes
et singuli Academici partes suas et officia sua
praestent, et quemcunque Rector de his interrogaue-
rit, is prout ex obligatione praestiti ab initio studio-
rum juramenti, ueritatem dicet omni dolo et fraude longe
remotis.

QUOD si Rector cognoverit nonnullos contra Academica Statuta delinquere, protinus eosdem arguat, et si opus fuerit mulctet, adeoque cluci jubeat ad carceres, aut poenam pecuniariam imponat, aut alias pro qualitate delicti in Statutis benevisis, prae scriptasque adhibeat coercitiones.

SEPTIMO cum Rector super transgressionibus atque delictis Academicorum inquisitionis processum instituit, adjunctum sibi habeat Notarium, qui responsa accipiat, illaque Proto collo inserat, interroget vero quemlibet sub juramento, ut eo certius veritas haberi possit, praesertim si causa alicujus momenti sit, in causis enim levioribus hoc adeo exacte observari non necesse videtur.

OCTAVO si ex jussu Rectoris vel etiam totius Senatus Academici aliquis incarceratus fuerit, et periculum subesse videtur alicujus vindictae à dimisso repetenda, Rector in eius dimissione exigat à tali in praesentia Notarii, et duorum testium juramentum de non offendendo, aut se vindicando.

NONO Si litterae ad Senatum Academicum
aliunde mittantur, Rector eas recuset, legat et
Senatui in conuentu uel consilio proximo uel
citius, si rei necessitas id exigat, praefigi curet
qua uero Epistola à Senatu dantur ad alios,
non sunt consignanda, donec à Rectore reuise
lectaque sint, tunc enim primum, ad eas consi-
gnandas, Notario tradet Sigillum, et vniuersi-
tatis acto immediate iterum recuset: Rectoris siquid-
dem est: penes se habere Sigillum Academicum,
illudque diligenter custodire, et nemini tra-
dere, quam ipsi Notario, qui mandatis pu-
blicis, aliisque litteris in ueris iuris uita
signatis Sigillum illico recuset. Rectoris asser-
uandum.

DECIMO electionem Rectoris Senatus Aca-
demico permissam uolumus, quodlibet in
modo peragendam esse: ut nimirum singulis an-
nis omnes Professores, qui alias consiliis Aca-
demicis interesse solent, super electione noui Recto-
ris consultiari conuentum celebrent, in uigi-
lia festiuitatis Omnium Sanctorum, nisi dies

43

Dominica uel alius dies festus incidat tunc enim pri-
die eius diei electio fiat, in quo conventu omnes Sena-
tus Consiliarij adsint conuocati prius per Sedellum ad
certam horam matutinam sub debito præsenti primi ju-
ramenti. Atque his presentibus Rector prior suum of-
ficium et consuetum habitum cum gratiarum actio-
ne deponat. Senatuque reddat, quo facto, et Diui-
ni spiritus ope implorata, ut electionem nouam be-
ne ueriat ad eam sic procedatur. Ut prior Rector
bene accurateque percontetur à singulis Consiliari-
is tunc congregatis, quem quisque in Rectorem nouum
eligat unusquisque autem eligentium prudenter,
sincere ac iuxta testimonium suæ conscientia
Rectorem nominet, sitque postmodum ille Rector,
quem uel maior pars elegerit, uel cui in casum discor-
diæ Consiliarij aut diuisionis eorum in partes aqua-
les Rectora itecedens uocem dederit.

UNDECIMO qui autem ita nouiter electus e-
rit Rectoratum suscipere nisi forte iustam causam,
et legitimam illum recusandi habeat, et insuper in
manus precedentis Rectoris jurare cogatur, omnia
quæ ad huius officium spectant, fideliter et diligen-
ter secretumque pariterque laboraturum, ut res, ho,

23

nor, auctoritasque totius Academiae. Semper con-
seruentur, augeanturque, quae autem clamore
et dedecori futura sunt protinus auertantur.
DUODECIMO, eligendi uero sint ad munus
Rectoratus duntaxat. Seculares Professores, et Illu-
lustres, uel aliquam praecellenti dignitate hono-
rati uiri, ueluti sunt Duces, Comites, Barones,
Ecclesiarum Cathedralium Canonici, Collegia-
tarum Praelati, et huius similes. Inter Professores
autem Academicos illud obseruandum sit, ut
ex Singulis Superioribus facultatibus, seu Colle-
gijs ordine seruato Rector eligatur, ne aut one-
rentur aliqui Scriptis, aut exteri uideantur con-
temni: nullus etiam eligatur, qui intra proxi-
mum biennium eidem officio praesuerit nisi ma-
gna Academia utilitas, aut necessitas taliter fie-
ri postulet.

DE
OFFICIO ET POTES
TATE
VICE-RECTORIS

DE officio Vice-Rectoris, cum Senatus Academi-
cus liberam habeat Rectoris electionem, non est,

quod multum ordinemus, quia tamen non nunquam contingere potest Rectorem uel esse absentem, uel aliter legitime impeditum, ut actibus Academicis non interesse, aut consilio Academico praesidere nequeat, hinc de Vice Rectore

STATUIMUS PRIMO, ut is, Rectore absente adstringatur iisdem legibus, quibus Rectorem adstringi supra diximus, teneatur nimirum ad procurandum Universitatis bonum, conuocandos Subditos, cogenda consilia, praesegenda Statuta, et corrigendos legum transgressores, et similia.

SECUNDO ordinamus, ut ipsi tunc tam in actibus publicis quam consilijs Academicis ante omnes alios Professores praecedentia compareant. Illeque insignibus Rectoralibus non aliter uti possit, quam si Rector praesens esset, usque uteretur. Et ideo omnibus ac singulis Academiae membris et subditis serio praecipimus, ut illum in absentia Rectoris eadem respectu, qua ipsum Rectorem reuerentia, subiectione, cultuque prosequantur, amantur ac deseruiant, eidemque non minus ac Rectori fideliter obtemperent.

TERCIO uolumus, ut Vice Rector aequae ac

Rector ipse, si praesens foret, habeat notum decisi-
uum in casu suffragiorum, utrinque parium, uel
si contingat aliqua inter Professores discordia, sit
autem in casum absentia Rectoris, Ille Vice-Rector,
qui tunc proxime a Rectoratu discessit, quem uul-
go Ex-Rectorem nominare solemus.

DE
PROFESSORIBUS
ACADEMICIS

QUANDO alicui munus docendi in Uni-
uersitate hac commissum est, tunc ipsi in primis
est facienda Professio fidei iuxta formam ex Con-
silio Tridentini Decreto praescriptam, et uigore
Bulle Pontificiae Vniuersitatis confirmatoria de-
terminatam, idque coram toto Senatu de in
manus Rectoris uel Vice-Rectoris sancte iura-
bit: hac qua sequentur, fideliter se obseruaturum.
PRIMO munere suo fide ac diligentia optima fun-
cturum, et inter explicandum, uni loco non diutius
inoraturum.
SECUNDO, nec per se, nec per alium suum

mine quacunque industria uel astu occasio-
 nem quasitutum, ut a quotidiano munere do-
 cendi auocetur, praeterea pralectionem suam nul-
 lo die, quo docere oportet, neglecturum, absque
 Rectoris, Vice Rectoris aut Senatus concessione
 nec in se aliena recepturum, negotia, quibus ab
 officio docendi aliquando impediatur, nisi Se-
 natus Academicus id nisi ob graues causas ad
 tempus sit concessurus, quando uero Professor ad
 consilium Academicum admittitur, iurabit in
 sequentia.

I^o Senihil ex Academici Senatus actis secretio-
 ribus unquam ad quemcunque etiam statum
 sit peruenturus, relaturum.

AD haec Privilegia, statuta consuetudines, et mo-
 res Academiae receptos: item res atque posses-
 siones ejusdem se conseruaturum, et defensurum,
 quam diu hic apud Academiam sit perman-
 surus.

DENIQUE se in Senatu suam Sententiam
 non dicturum, donec a Rectore uel Vice Recto-
 re fuerit interrogatus ne ullius ex ceteris suf-
 fragiis interrumpat, per quod tamen non pro-

libetur, quia quilibet consiliariorum ac Profes-
sorum in ordine ac loco suo liberè queat dicere,
qua ipsi utilia et recta esse uidebuntur.

DE
DECANIS FA-
CULTATIUM
et
EORUM OFFICIO.

QUANDOQUIDEM UNIVERSITAS
nostra ex congregatis quatuor facultatibus tan-
quam riuus totidem Paradisiacis Orbem irri-
gaturis uniuersum, prima uimirum Theolo-
gicā alterā Juridicā, tertiā Medicā, et quartā de-
mum Philosophicā constare debet, ideo necessarium
determinamus esse, ut suis cuiuslibet Facultati pra-
sit Decanus, qui in omnes Facultatis suae Acade-
micos Auditores sedulo mentem aduertat, ut et
in pralectionibus, et in Disputationibus, aliisque
exercitijs publicis pariter ac priuatis omnia in au-
dientium quidem utilitatem, laudem uero do-
centium peragantur et cedant. Itaque Decanus
quilibet negligentiores suae Facultatis monebit, et

arguet, tandemque eos ad coercendum, si opus fue-
rit, Rectori, Vice Rectori aut Senatui Academico de-
nuntiabit.

CAVEAT praeterea serio: ne ab his, qui gradus,
seu titulos honoris recipiunt, plusquam aut oportet,
aut a qualibet Facultate pro taxa consueta defini-
tum est exigat.

ELIGANTUR ejusmodi Decani singulis qui-
busque semestribus a Collegio Facultatis suae secun-
dum eam, qua in Rectoris et Vice Rectoris electio-
ne notatur, Professorum in ea Facultate contento-
rum alternationem, si non semper, certe plerumque.

DE NOTARIO ACADEMICO

ET

ETIUS FUNCTIONE

CUM non minus necesse sit in Universitati-
bus habere Notarium quam Professores proinde
qui pro Notario constitutus est coram Senatu
quoque Academico in praescriptos titulos jurabit.

PRIMO ut quae tum in Consilio tum in foro
judiciali tractantur, definiunturque in desti-

natos actorum libros summa fide ac diligentia quam
primum inscribat, librosque eosdem Rectori, aut Vi-
ce Rectori, quam primum petierit, reddat.

DEINDE, ut hos, aliosque Actorum Academi-
corum libros in certos titulos, capita siue articulos
recligat, ad quos, qua tractantur per numeros, or-
dine notet ut cum opus fuerit protinus que sint
referri, ac reperi.

TERTIO, ne alienis negotiis curandis, qua offi-
cio eius impedimento aut contraria esse possunt
se dedat, nec absque Rectoris, aut Vice Rectoris li-
centia unquam abeat, sed Academicis rebus totus
semper inuigilet, atque ipsum Rectorem uel vice-
Rectorem ad minimum semel in die nisi sibi met
uideretur opus toties non esse inuisat, expectetue
dum habeat quod mandet

PRÆTEREA peculiarem librum habeat e-
pistolarum, qua uel dantur ex Senatu uel ad eun-
dem mittuntur, ex iis quidem, qua aliunde dan-
tur, rei summam à tergo inscribet, uel etiam si ne-
cesse sit, prothocollo inferat, qua uero ad alios mit-
tuntur offerat examinandas, Rectori uel Vice Re-
ctori, nec eo inconsulto aut in scio eas alio mittat

57
hanc in usum patet si sine libello cui formula adu-
tationum, ac titulorum, quos singulis quibusque a sen-
tu Academico dicitur convenit inscribat.

TESTIMONIORUM insuper formulas certas
habebit de omni facultate componendas et conscriben-
das, pro quibus tamen pretium non augetur, sed conten-
tus erit illis, quod a qualibet facultate definitum fuerit.

TANDEM jurabit se Academica secreta nullum,
quam proditorum, ideoque secretiora omnia manu sua scri-
bet, et ad hoc atque Academica custodienda peculiarem
arculam habebit diligenter oclusam et custoditam.

DE
PEDELLO ACADEMICO
ETIUSQUE OFFICIO.

AD ministerium publici studii famulum, seu
ut vulgo dici solet Pedelli, qui admittitur, ille debet
esse bonae ac honestae famae, et medicis iter doctus, uxo-
ratus, an caecus sit non curatur.

IURAT autem Pedellus in manus Rectoris aut Vice Rectoris
se ministerii sui partes debita fide, diligentiaque semper
prestaturum, deinde nunquam se extra oppidum hoc abs-
que Rectoris uel Vice Rectoris facultate pernociaturum.

AD haec secreta quomodolibet audita ac cognita ad quae

cunque seu vita, seu dignitatis statum sit venturus,
se non relaturum.

ITAQUE Scielli officium consistit in sequentibus.

PRIMO, ut quantum in se honorem et commoda
Academiae promoveat, atque defendat.

SECUNDO, Rectorem Academicum, uel Vice-Rectorem quo-
tidie semel iterumque inuisat. Eundemque, si iusserit, euen-
tem, ac redeuntem, honeste comitetur.

TERTIO, Rectoris uel Vice-Rectoris mandatis promp-
te obediat, illaque prout iussa sunt, exequatur, et prout exequuta il-
lico referat, mandataque insuper in scriptis comprehensa, et ad
publicandum ipsi tradita, diligenter affigat.

PRÆTEREA Congregationes Vniuersitatis uel etiam Facul-
tatis omnibus Professoribus Consiliarijs debita cum reuerentia
sigillatim intimet, suo tempore etiam Scholas aperiat, et iterum
claudat, ac purget, et si quid in illis inuenerit, illi ad quem spe-
ctat, restituat, Scamna, item sedes, fenestras, et fenestralia, uis-
ta, et fracta sumptibus Vniuersitatis refici curet.

AD hac inquireat diligenter de Studiosis qui aut lectiones
non audiunt, aut alias contra Academica Statuta publice stri-
uat inque delinquunt, ipsos sic cognitos confestim Rectori, uel
Rectori, uel etiam Decanis denuntiet.

DEMUM omnia promp-
te fideliter faciat, quae pro re sua mi-

53
mysterij esse intellexit, singulariter uero hoc obseruet, ut si quem
quam exigent Rectoris uel Vice Rectoris, uel totius Senatus car-
ceri inciderit nulli cuiquam sine expressa Rectoris, aut Vice Re-
ctoris licentia coaditum concedat, multo minus feminas,
uel adire, uel ingredi permittat, neque etiam concedat, plures
cibus, uel potus ipsis asportari, quam necesse, atque à Rectore,
uel Vice Rectore, uenensum.

IPSIUS mercedem quod attinet, accipiet à Rectore aut Vi-
ce Rectore quolibet sextam partem illius taxa, quam quiniis
immatriculatus pro suo ingressu pendit. Deinde iuxta
superius in Articulo de inscriptione Studiosorum. &c. Ipsi
determinatam taxam ab unoquoque Studio singularis qua-
tuor anni temporibus, et quidem ab Illustribus crucigeros
exigat triginta, à Nobilibus quindecim, et à ceteris omnibus
indifferenter octo: Solis Professoribus, et Doctoribus exceptis,
reliqua merces Ipsi datur ex prouentibus Academicis.

IN praemissorum igitur omnium ac singulorum testimoni-
um et robur perpetuum ualiturum. **NOS** Suprascriptus
LEOPOLDUS presentem ^{suam} paginam Statutorum à
Nobis dicta Vniuersitati Oenipontana concessor-
um et approbatorum continentem. Manibus Nostrae
Subscriptionis et maioris Nostrae Imperialis Sigilli appo-
sitione pro Nobis, Nostrisque Haeredibus et Successo-

ribus omnibus et singulis duximus roborandam. Qua
dabatur in Ciuitate Nostra Regia Sopronij Die ter-
tia Mensis Octobris, Anno Millesimo Sexcen-
tesimo Octuagesimo Primo, Regnorum Nostroru
Romani Vigesimoquarto, Hungarici Vigesimo se-
ptimo, Bohemici uero Vigesimo Sexto.

Leopoldus

J. A. Henr: liber Baro de stratmann

Ad

*L. d. Mandatum Sac.
Cas. Majestatis proprium.*

Adamus Kemich

Registratum.

Registrat. Jo. meo Adamus Fiorini





